



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-11-25356-5/24
Sarajevo, 04.07.2024. godine

Na osnovu člana 70. stav 1. i 2. Zakona o organizaciji organa uprave u Federaciji BiH („Službene novine Federacije BiH“, broj 35/05), člana 22. stav (2) i (3) Budžeta Kantona Sarajevo za 2024. godinu („Službene novine Kantona Sarajevo“ broj 55/23), Odluke Vlade Kantona Sarajevo o usvajanju Programa utroška transfera neprofitnim organizacijama i pojedincima utvrđenih Budžetom Kantona Sarajevo, razdjel Ministarstvo za boračka pitanja za 2024. godinu („Službene novine Kantona Sarajevo“, broj 15/24), člana 17. i 18. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, br. 22/21, 13/22 i 21/24) i člana 23. stav 1. Pravilnika o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), te Javnog poziva broj: 06-11-25356/24 od 23.04.2024. godine, ministar za boračka pitanja donosi

ODLUKU

o odobravanju sredstava za finansiranje i sufinansiranje aktivnosti/programa/projekata boračkih udruženja, odnosno udruženja od interesa za boračku populaciju Kantona Sarajevo za 2024. godinu

I

Odobravaju se sredstva za finansiranje i sufinansiranje aktivnosti/programa/projekata boračkih udruženja, odnosno udruženja od interesa za boračku populaciju Kantona Sarajevo za 2024. godinu kako slijedi:

R.br.	Udruženje	Odobreni iznos
1.	Udruženje boraca “Crni labudovi”	10.000
2.	Udruženje karate klub “Rašid Buća”	5.000
3.	Udruženje “101. brigada”	8.000
4.	Udruženje aeroklub “Kрила Sarajeva”	7.000
5.	Udruženje Klub za streljaštvo „Zlatni ljiljani“	6.000
6.	Udruženje Klub za praktično streljaštvo i taktički trening “AIM”	6.000
7.	Udruženje “1. Slavna-Viteška brigada” Sarajevo	13.000
8.	Stonoteniski savez osoba sa invaliditetom FBiH	4000
9.	Udruženje “Obrazovanje gradi Bosnu i Hercegovinu – Jovan Divjak”	5.000
10.	Udruženje “Pravda”	10.000
11.	Udruženje oboljelih od posttraumatskog stresnog poremećaja “Vox”	9.000
12.	Udruženje Klub borilačkih vještina „Orkan F“	6.000

13.	Udruženje boraca "Branitelji 1992 do 1996 Općine Ilidža"	7.500
14.	Udruženje maloljetni borci odbrambeno-oslobodilačkog rata 1992-1995 Općine Centar	12.000
	Sve ukupno:	108.500

Ostali aplikanti nisu podržani zbog nepotpune, neblagovremene ili neuredne prijave, ili zato što nisu imali pravo učešća

II

Ministarstvo za boračka pitanja Kantona Sarajevo zadržava pravo da umanji ukupni iznos odobrenih a nedoznačenih sredstava u slučaju nedovoljnih prihoda u Budžetu Kantona Sarajevo za 2024. godinu, u kom slučaju bi bila donesena odgovarajuća odluka.

III

Sredstva iz tačke I. ove odluke terete zbirnu poziciju Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300 DAN030 „Realizacija projekata od interesa za boračku populaciju u saradnji sa neprofitnim organizacijama“ – program DAN0302 „Udruženja građana - boračka udruženja finansiranje/sufinansiranje programa i projekata“, a uplatit će se na račun navedenih udruženja nakon potpisivanja ugovora.

IV

Sredstva iz tačke I. odluke se doznačavaju uz potpisivanje ugovora o finansiranju/sufinansiranju programa i projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo po Javnom pozivu za 2024. godinu, kojim su definisani elementni bitni za realizaciju, izvještavanje, nadzor i druga pitanja i navedena udruženja su ih dužna utrošiti u skladu sa ovom Odlukom, potpisanim ugovorima, te u skladu sa pozitivnim propisima iz ove oblasti.

V

Korisnik se obavezuje da podnese izvještaje o realizaciji projekata i namjenskom trošenju sredstava shodno propisanim obrascima Ministarstva za boračka pitanja Kantona Sarajevo i to: Obrazac finansijskog izvještaja o utrošku sredstava (Obrazac FI 56) i Obrazac opisnog (programskog) izvještaja o utrošku sredstava (Obrazac PI 55). Izvještaj mora minimalno sadržavati priloge navedene u u Obrascu FI 56 tačka 4, a prema potrebi i druge dokumente u skladu sa pozitivnim propisima (originali ili ovjerene kopije).

Ministarstvo zadržava pravo da u cilju praćenja i nadzora nad utroškom budžetskih sredstava zatraži podnošenje privremenog ili periodičnog izvještaja, odnosno dostavu specifičnog izvještaja po projektima, vrsti troškova i drugo tokom realizacije ili nakon okončanja iste, naročito kod projekata sa dužim rokom realizacije.

VI

Nadzor nad utroškom doznačenih sredstava iz tačke I. dispozitiva ove Odluke vrši Ministarstvo za boračka pitanja u skladu sa odredbama Uredbe o dodjeli transfera neprofitnim organizacijama

i pojedincima iz Budžeta Kantona Sarajevo („Službene novine Kantona Sarajevo“, br. 22/21, 13/22 i 21/24) i Pravilnika o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22).

VII

Nije dopuštena prenamjena odobrenih sredstava bez pismene saglasnosti Ministarstva za boračka pitanja, a u slučaju odustajanja od realizacije korisnik sredstava je dužan o okolnostima obavijestiti Ministarstvo za boračka pitanja i postupiti shodno dobivenoj instrukciji.

Obrazloženje:

Na osnovu objavljenog Javnog poziva za dodjelu transfera boračkim udruženjima i ostalim neprofitnim organizacijama za finansiranje i sufinansiranje aktivnosti/programa/projekata od interesa za boračku populaciju Kantona Sarajevo za 2024. godinu broj: 06-11-25356/24 od 23.04.2024. godine, udruženja iz tačke 1., dostavili su svoje upotpunjenje zahtjeve.

Na osnovu uvida u dostavljenu dokumentaciju i kandidovane projekte, odnosno nakon razmatranja svih ocijenjenih prijava/aktivnosti/projekata, na Web stranici Ministarstva objavljeni su Rezultati Javnog poziva broj: : 06-11-25356-3 /24 od 13.06.2024. godine, odnosno podržani su projekti aplikantata sa iznosima navedenim u tački I. dispozitiva.

Navedena udruženja su obavezna odobrena sredstva utrošiti namjenski uz pridržavanje svih pozitivnih propisa iz ove oblasti te dostaviti odgovarajuće izvještaje.

Udruženja koja nisu pripremila zahtjeve u skladu sa zahtjevima javnog poziva, tj. čije prijave su evidentirane kao nepotpune, neblagovremene i neuredne nisu uzete u razmatranje, odnosno iste su odbijene.

Kako su u Budžeta Kantona Sarajevo za 2024. godinu na odgovarajućoj budžetskoj poziciji i u okviru prihvaćenih Programa utroška, planirana sredstva za podršku programima i projektima nevladinog sektora (Realizacija projekata od interesa za boračku populaciju u saradnji sa neprofitnim organizacijama), riješeno je kao u dispozitivu Odluke.



Dostaviti:

1. Sektor za ekonomske poslove,
2. a/a

